

周禮

冊二

周禮卷五

漢大司農北海鄭玄註

明後學東吳金蟠

天官冢宰下

醫師掌醫之政令聚毒藥以共醫事

毒藥藥之辛苦者藥之物恆多毒孟子曰若藥不瞑眩厥疾不廖○瞑眠見反廖勑留反

凡邦之有疾病者疔瘍者造焉則使醫分而治之

疔頭瘍亦謂禿也身傷曰瘍分之者醫各有能○疔戚匹婢反徐芳鄙反瘍音羊造七報反

歲終則稽其醫事以制其食十全爲上十失一次之十失二次之十失三次之十失四爲下

食。祿也。全猶愈也。以失四爲下者。五則半矣。或不治自愈。

食醫。掌和王之六食六飲六膳百羞百醬八珍之齊。

和。調也。○食音嗣。齊才細反。下皆同。

凡食齊。眡春時。

飯宜溫。○眡音視。

羹齊。眡夏時。

羹宜熱。

醬齊。眡秋時。

醬宜涼。

飲齊。眡冬時。

飲宜寒

凡和春多酸。夏多苦。秋多辛。冬多鹹。調以滑甘。

各尚其時味。而甘以成之。猶水火金木之載於土。內則曰。棗栗飴蜜以甘之。薑荳枌榆婉槁。滌髓以

滑之。○和反。胡婉音問。滌以之反。薑音謹。荳音桓。枌符云反。胡婉音問。滌思酒反。髓相藥反。

凡會膳食之宜。牛宜稌。羊宜黍。豕宜稷。犬宜粱。鴈宜

麥。魚宜苽。

會成也。謂其味相成。鄭司農云。稌稷也。爾雅曰。稌稻。苽彫胡也。○稌音杜。苽音孤。稷本亦作稊。音庚。

凡君子之食。恆放焉。

放。猶依也。○放甫往反。

疾醫掌養萬民之疾病。四時皆有癘疾。春時有瘡首

疾。夏時有痒疥疾。秋時有瘡寒疾。冬時有嗽上氣疾。

癘疾。氣逆喘也。不和之疾。瘡。酸削也。首疾。頭痛也。嗽。效也。上氣。逆喘也。五行傳曰。六癘作見。○瘡音消。疥音

介嗽反。西豆反。上時掌反。見賢遍反。同效。

以五味五穀五藥養其病。

養。猶治也。病由氣勝負而生。攻其贏。養其不足者。五味。醯酒飴蜜薑鹽之屬。五穀。麻黍稷麥豆也。五

藥。草木蟲石穀也。其治合之齊。則存乎神農子儀之術云。○贏音盈。後不音者。同合如字。又音閤。

以五氣五聲五色眡其死生。

三者。劇易之徵。見於外者。五氣。五藏所出氣也。肺氣熱。心氣次之。肝氣涼。脾氣溫。腎氣寒。五聲。言語

宮商角徵羽也。五色。面貌青赤黃白黑也。察其盈虛。休王吉凶可知。知審用此者。莫若扁鵲倉公。○易

以鼓反。藏才浪反。下同。徵張里反。王往况反。

珍傲宋版印

兩之以九竅之變。參之以九藏之動。

兩參之者以觀其死生之驗。竅之變謂開閉非常。陽竅七陰竅二藏之動謂脈至與不至正藏五又

有胃膀胱大腸小腸脈之大候要在陽明寸口能專是者其唯秦和乎岐伯榆枡則兼彼數術者○

岐其宜反榆羊朱反本亦作俞枡劉音附

凡民之有疾病者分而治之死終則各書其所以而

入于醫師。

少者曰死老者曰終所以謂治之不愈之狀也。醫師得以制其祿且為後治之戒○少詩照反也

瘍醫掌腫瘍潰瘍金瘍折瘍之祝藥劑殺之齊。

腫瘍癰而上生創者潰瘍癰而含膿血者金瘍刃創也折瘍踠跌者祝當為注讀如注病之注聲之

誤也注謂附著藥劑刮去膿血殺謂以藥食其惡肉○折時設反祝之樹反刮音刮齊才細反創初

良反。跪於阮反。跌待結反。
著音豬。略反。去羌呂反。

凡療瘍以五毒攻之

止病曰療。攻治也。五毒。五藥之有毒者。今醫方有五毒之藥。作之合。黃堊置石膽丹砂雄黃礬石慈石其中。燒之三日夜。其煙上著。又以鷄羽掃取之。以注創。惡肉破骨則盡出。○堊本著。又作鰲。徐音丹。

又音務。礬音豫。著直略反。

以五氣養之。以五藥療之。以五味節之。

既刮殺而攻。盡其宿肉。乃養之也。五氣。當爲五穀。字之誤也。節。節成其藥之力。○五氣。音穀。出注。

凡藥以酸養骨。以辛養筋。以鹹養脉。以苦養氣。以甘

養肉。以滑養竅。

以類相養也。酸。木味。木根立地中。似骨。辛。金味。金之纏合異物。似筋。鹹。水味。水之流行地中。似脉。苦。

似火味。火出入無形似氣。甘土味。土含載四者。似肉。滑滑石也。凡諸滑物通利往來似麋。

凡有瘍者受其藥焉。

獸醫掌療獸病療獸瘍。

畜獸之疾病及瘍療同醫。○畜許又反。

凡療獸病灌而行之以節之以動其氣觀其所發而養之。

療畜獸必灌行之者為其病狀難知灌以緩之且強其氣也。節趨聚之節也。氣謂脈氣既行之乃以脈視之以知所病。○為于偽反。聚本亦作驟同。仕救反。

凡療獸瘍灌而刮之以發其惡然後藥之養之食之。

亦先攻之而後養之。○食音嗣。

凡獸之有病者。有瘍者。使療之。死則計其數以進退之。

酒正掌酒之政令。以式灋授酒材。

式法作酒之法。式作酒。既。有米。麴之數。又有功。沽之巧。月令曰。乃命大酋。秫稻必齊。麴蘖必時。湛醴必潔。水泉必香。陶器必良。火齊必得。鄭司農云。授酒人。以其材。○酋。將。由。反。下。同。秫。音。述。齊。才。細。反。蘖。魚。列。反。湛。接。廉。反。饘。昌。志。反。

凡爲公酒者亦如之。

謂鄉射飲酒。以公事作酒者。亦以式法及酒材授之。使自釀之。○釀。女亮反。

辨五齊之名。一曰泛齊。二曰醴齊。三曰盎齊。四曰緹齊。五曰沈齊。

泛者成而滓浮泛泛然如今宜成醪矣。醴猶體也。成而汁滓相將如今恬酒矣。盎猶翁也。成而然葱白色。如今鄼白矣。緹者成而紅赤。如今下酒矣。沈者成而滓沈。如今造清矣。自醴以上尤濁。聞杜子春讀齊皆爲案。又禮器曰緹酒之用。未可盡體之。尚玄謂齊者。每有祭祀以度量節作之。○緹音醴。魯刀反。翁鳴動反。下同。鄼宜作醴。在何反。差初賣反。

辨三酒之物。一曰事酒。二曰昔酒。三曰清酒。

鄭司農云。事酒有事而飲也。昔酒無事而飲也。清酒祭祀之酒。玄謂事酒酌有事者之酒。其酒則今之醴酒也。昔酒今中山冬釀接夏而成。○醴音亦。醴者也。清酒今中山冬釀接夏而成。○醴音亦。醴者

辨四飲之物。一曰清。二曰醫。三曰漿。四曰醢。

清謂醴之少者。醫內則所謂或以醢爲醴。凡醴濁釀醢爲之。則少清矣。醫之字從段。從西省也。漿今

清之也。鄭司農說以內則曰飲重醴稻醴清酒。黍醴

客之禮。梁醴清酒或以醴爲漿水。臆后致飲于賓

似文字不同記之者各異耳。此皆一物。○醫於已

反醴以支反。凍子禮反。下同。殿烏兮反。載昨再反。

掌其厚薄之齊。以共王之四飲三酒之饌。及后世子之飲與其酒。

爲后世子不言饌其饌食不必具設之。五齊止用醴

凡祭祀以灋共五齊三酒以實八尊。大祭三貳中祭再貳。小祭壹貳皆有酌數。唯齊酒不貳皆有器量。

酌器所用注尊中者數量之多少未聞。鄭司農云

三貳三益副之也。大祭天地中祭宗廟小祭五祀

齊酒不貳。謂五齊以祭。不益也。其三酒。人所飲者。益也。
不貳。謂五齊以祭。不益也。其三酒。人所飲者。益也。
第子職。曰。周旋而貳。唯嫌之視。玄謂大祭者。王服
大裘。袞冕所祭也。中祭者。王服鷩冕。毳冕所祭也。
謂小祭者。王服希冕。玄冕所祭也。三貳。再貳。一貳。者。
謂就三酒之尊。而益之也。禮運曰。玄酒在室。醴醕
以在戶。粢醕在堂。澄酒在下。澄酒。是三酒也。益之者。
以飲諸臣。若今常滿尊也。祭祀必用五齊者。至敬
不尚味。而貴多品。又為于偽。反嫌苦。簞反。鷩必列
反。毳充。芮反。貴希。本又作絺。同。張里反。醕側。產反。粢
亦作許。緹反。醕音。體本。又作絺。同。張里反。醕側。產反。粢

共賓客之禮酒。共后之致飲于賓客之禮。醫醕糟。皆
使其士奉之。

禮酒。王所致酒也。王致酒。后致飲。夫婦之義。糟醫
醕。不涉者。涉。曰。清。不涉。曰。糟。后致飲。無醕。醫醕。不
清者。與王同體。屈也。亦因以少為貴。士謂酒人。漿人。奄士。

凡王之燕飲酒共其計酒正奉之

共其計者獻酬多少度當足也故書酒正無酒字鄭司農云正奉之酒正奉之也○度徒洛反

凡饗士庶子饗耆老孤子皆共其酒無酌數

要以醉為度

掌酒之賜頒皆有灋以行之

灋尊卑之差

凡有秩酒者以書契授之

鄭司農云有秩酒者給事中予之酒秩常也常受酒者國語曰至于今秩之玄謂所秩者謂老臣王

制曰七十不俟朝八十月告存九十日有秩○朝直遙反

酒正之出日入其成月入其要小宰聽之

出謂授酒材及用酒之多少也。受用酒者。日言其計於酒正。酒正月盡。言於小宰。

歲終則會。唯王及后之飲酒。不會以酒式誅賞。

誅賞作酒之善惡者。

酒人掌爲五齊三酒。祭祀則共奉之。以役世婦。

世婦謂宮卿之官。掌女宮之宿戒及祭祀。此其具酒人共酒。因留與其奚爲。世婦役亦官聯。○此必

履反又毗志反。

共賓客之禮。酒飲酒而奉之。

酒正使之也。禮酒饗燕之酒。飲酒食之酒。此謂給賓客之稍。王不親饗燕。不親食。而使人各以其爵。

以酬幣。循幣致之。則從而。以酒往。○親食。音嗣。

凡事共酒而入于酒府。

入于酒正之府者是王燕飲之酒酒正當奉之

凡祭祀共酒以往

不言奉小祭祀

賓客之陳酒亦如之

謂若歸饗饋之酒亦自有奉之者以酒從往

漿人掌共王之六飲水漿醴涼醫酏入于酒府

王之六飲亦酒正當奉之醴醴清也鄭司農云涼以水和酒也玄謂涼今寒粥若糗飯雜水也酒正涼不辨水涼者無厚薄之齊○糗丘酉反

共賓客之稍禮

稍禮非餼饗之禮留間王稍所給賓客者漿人所給亦六飲而已○間如字徐音濶

共夫人致飲于賓客之禮。清醴醫醢糟而奉之。

亦酒正使之三物。有清有糟。夫人不體。王得備之。禮飲醴用柶者。糟也。不用柶者。清也。○柶音四。

凡飲共之。

謂非食時。

凌人掌冰。正歲十有二月。令斬冰。三其凌。

正歲。季冬。火星中。大寒。冰方盛之時。春秋傳曰。火星中而寒暑退。凌。冰室也。三之者。為消釋度也。故

書正為政。鄭司農云。掌冰。政主藏冰之政也。杜子春讀掌冰為主冰也。政當為正。正謂夏正。三其凌。

三倍其冰。

春始治鑑。

鑑如甄。大口以盛冰。置食物于中。以禦溫氣。春而始治之。為二月。將獻羔而啓冰。○甄直僞反。盛音

成爲于
僞反

凡外內饗之膳羞鑑焉。凡酒漿之酒醴亦如之。

酒醴見溫氣亦失味。
酒漿酒人漿人也。

祭祀共冰鑑賓客共冰。

不以鑑往嫌
使停膳羞

大喪共夷槃冰。

夷之言尸也。實冰于夷槃。牀曰夷牀。衾曰夷衾。移尸所以

夷于堂。皆依尸而爲言者也。漢禮器制度。
大槃廣八尺長丈二尺深三尺漆赤中。

夏頒冰掌事。

暑氣盛王以冰頒賜則主爲之。春秋傳曰。
古者日在北陸而藏冰。西陸朝覲而出之。